

天台四教儀集註

上冊


新學堂

PDG



可文後集卷之

時教圖



已考信身言

妙樂頓等四教是
 此宗判教之大綱
 藏等四教是一家
 釋義之綱目若消
 諸教但用藏等其
 文稍通若釋法華
 無頓等八舉止尖
 措籤依如來藏同
 釋籤實大悲願力
 體權實大悲願力
 隨順物機不獲已
 而用既機宜不同
 致法有差降從一
 實理施出權理權
 實二理能詮教殊
 故有四种差別起

天台四教儀集註序

天台四教儀者實教門之要道也。自昔至今。註釋者眾。或畧而不備。或博而太繁。矧又節去正文。但標初後。苟非精誦者。莫之能閱也。今集諸部之文。註於其下。將無便於披覽者歟。其間一二與諸家有同異者。蓋述所聞於先德。非任胸臆也。若夫文求正修。初乘觀法。文雖簡約。理亦備焉。諸新學人。究心於茲。忘言忘思。筌筌俱擲。奚以是爲。然能爾也。則無適而不可。亦豈離是云乎哉。時元統甲戌夏五。南天竺白蓮華沙門蒙潤謹序。

天台四教儀集註卷第一

南天竺沙門 蒙潤 集

天台四教儀

天台山名也。天者顛也。元氣未分。混而爲一。兩儀
既判。清而爲天。濁而爲地。此本俗名。且依俗釋。台
者星名也。其地分野。應天三台。故以名焉。如輔行
一上此山卽大師棲身入寂之所。蓋以西方風俗
十七稱名爲尊。此土避名爲敬。故以此處顯其人也。復
以人命家。則天台爲宗矣。今題意在焉。四教者。別
文明化儀化法。有乎八教。今但言四教者。以通名

立題義攝兩種。蓋非化儀無以判。非化法無以釋。一書之旨莫越於斯。教者聖人被下之言。亦詮理化物爲義。問或約化儀立題。乃據籤文。化儀四教文義整足。任運攝得。三藏等四爲證。或謂頌宣藏等以爲頓等。謂化儀無體。又謂頓等四教。古師亦用。藏等四教起自天台。以此爲化法立題。今何以從通名耶。答。化儀化法有體無體。或彼此相攝。文各有意。皆不爲此立題而設。況古師所立頓等。與今不同。故妙樂以頓等藏等爲天台一家。判釋之綱目。今此一書旣明判釋立題四教。豈偏屬乎儀。

者。天台一家四教判釋儀式也。文末既云自從此下。畧明諸家判教儀式顯今一書。明判明釋在乎天台。豈可謂如來施化次第儀式邪。

高麗沙門諦觀錄

高麗東夷國名沙門。此云勤息。謂勤行眾善止息諸惡故。又沙門復以釋爲姓者。始於晉安法師也。後增一阿含來此土。云四河入海同一鹹味。四姓出家皆名爲釋。文顯性錄以四句揀云。一是沙門非釋子。出家外道。二是釋子非沙門。在家釋種。此種之三是釋子是沙門。兩土之僧。此四姓出家通稱爲釋四

非釋子非沙門。兩土之俗。四句揀之無遺矣。或謂是釋子是沙門。乃釋種出家。且梵土餘種出家。及此土之僧。皆稱沙門。釋子爲何句收耶。錄謂觀師抄錄台教綱要也。

天台智者大師

拾遺記云。天台棲真之處。智者。隋主所稱。大師。羣生模範。亦帝王大臣所師也。

以五時八教判釋東流。一代聖教罄無不盡。

五時八教。不是如來所說之法。大師依義立名。用此判釋。一代聖教。故云以也。然上天台智者乃能

判能釋之人。東流聖教。乃所判所釋之法。五時八教。乃判釋之儀式也。蓋天台準法華意。判釋諸經。如籤文云。判釋準乎部教。部教之義。唯在法華。判謂剖判。釋謂解釋。妙樂云。頓等是此宗判教之大綱。藏等是一家釋義之綱目。如以化儀判華嚴為頓。以化法別圓解釋。乃至判法華為非頓非漸。以純圓獨妙解釋。

五時
八教
判釋

化判
儀

頓
漸初
秘密
不定

華嚴兼
鹿苑但
方等對
般若帶

藏
通
別
圓

釋法
化

之圖



東流者佛法自西而流東也。代者更也。如來五十年說法為一代。今以五時入教判釋無遺。若爾妙玄何云奈苑之前不預小攝耶。須知妙玄約時破古。謂說提謂經時乃未轉法輪已前。未有僧寶。故破古師不應於鹿苑前別立提謂。為人天小教。若約法收經。則如四教義云。三藏明世間布施持戒。禪定。即是人天之教。竝正因緣所生善法。此已為三藏所攝。故先達云。約時破古。不當五時所收。約

法收經義當三藏所攝也

言五時者一華嚴時。

古者

從經題立時。雖歷七處八會唐經祇是一經。因行

如華莊嚴果德。具云大方廣佛華嚴經。此人法譬

三。具足立題。更有單三複三。

七種
單三

複三

人——佛說阿彌陀經等

法——涅槃經等

譬——梵網經等

人法——文殊問般若經等

法譬——妙法蓮華經等

善序之德

立題「具足」人譬如來獅子吼經等

人法譬大方廣佛華嚴經等

佛德故也

舊經晉譯五十卷或六十卷成新經唐譯八十卷

成若龍宮三本上本十三千大千世界微塵數偈本四

十九萬八千八百偈下本十萬偈四十八品今但

有三十九品如釋籤十八舊立四種華嚴祖無顯

文考大師荆溪之意則有約時約處約理之不同

約理則曰法界約處或曰寂場約時曰三七日或

時長盡未來際何得認此名言便謂華嚴有四種

之別且其間於義有妨不應以後分時長華嚴而

以其諦引之

實又難陀

爲寂場。又不應將通五時中。通後之義爲時長也。問華嚴時長爲至何時。答如妙樂云。義當轉教時也。經家取後分部類相從。結歸前分華嚴部內。此卽通五時中。文通之類也。若般若明華嚴海空。及日若垂沒。餘輝峻嶺。與夫蓮華藏海。通至涅槃之後。此於他部明華嚴義。不可結歸本部。乃通五時中。義通之類。非時長也。

一鹿苑時

從處立時。說經雖多。同一處故。乃如來昔生垂化之地。緣如輔行。七羣鹿所居。故名鹿苑。從樹爲名。

亦名柰苑。二仙所居。亦名仙苑。

說四阿含

阿含翻無比法。妙立初十云增一。明人天因果。中明

真寂深義。雜明諸禪定。長破外道。而通說無常。知

苦斷集證滅修道。文

三方等時

廣談四教。均被眾機。說經既多。處亦不一。故約法

立時也。若普賢觀。稱方等者。從理得名。如釋籤六

十五云。此以理等。名方等典。若止觀二六云四門入

清涼池。曰方。所契之理曰等。此約行理合論。今是

生酥調斥之方等義應屬事。

說維摩

具云維摩詰所說經。人法立題。此云淨名亦翻無垢稱。

思益

具云思益梵天所問經。綱明菩薩答。

楞伽

翻不可往

楞嚴三昧

楞嚴翻健相。三昧翻調直定。亦云正心行處。

金光明

金卽法身。光卽般若。明卽解脫。單法立題。立文順古。復約譬論一釋。格他譬法不周。其如經題是法非譬。又不可以被利鈍機。雙存法譬也。

勝鬘等經

具云勝鬘獅子吼一乘大方便方廣經。勝鬘夫人卽舍衛國波斯匿王女。末利夫人所生。爲踰闍國王妃。

四般若時

說摩訶般若光讚般若金剛般若大品般若等諸般若經

從經題立時。般若翻智慧。波若尊重。智慧輕薄。卽